

京山縣志卷之五

典禮

安上全下莫善於禮禮制不飭民心胡肅國家釐定典章頒行郡縣其所以懷柔百神悚厲人心者道不外整齊嚴肅使民知所觀倣陰消其慢易悍戾之氣也若徒修儀節而飾趨踰豈制作之本意乎志典禮慶賀之儀

聖節及元旦冬至前三日正官率文武僚屬蟒服詣

萬壽宮文東武西以次席地坐班習儀屆期五鼓三嚴各

京山縣志

卷之五

典禮

一

朝服詣 宮贊唱序班行三跪九叩首禮退班更蟒服就兩廡列坐乃退後三日坐班如前儀

接詔之儀

詔書將至先設 龍亭儀仗鼓樂候郊外至則正官率屬朝服跪迎候仗過隨至

萬壽宮正殿安設樂作贊唱三跪九叩首禮跪聽開讀復行禮如前展讀官南面授 詔正官跪受鼓樂前導捧回公署

上任之儀凡印官到任先赴城隍廟齋宿屆日朝服乘



軒徹蔽彩仗樂部導迎入署至儀門更衣祭門行二跪六叩禮至廳事加朝服拜叩行三跪九叩禮升座僚屬參拜吏胥搏頽堂事畢入署牌示行香恭謁文廟 武廟及城隍土神各祠祀

迎春之儀立春先一日正官朝服率僚屬至東郊外祭芒神行兩拜禮迎春入城鼓樂前導赴各衙報春訖仍至正官儀門外甬左土牛南向芒神西向各官公宴散次日黎明各官朝服陳設酒饌祀芒神行三獻禮讀祝畢各官執綵仗向土牛立長官擊鼓三眾鼓

京山縣志

卷之五

典禮

二

齊作各官繞土牛三匝環擊之乃退鄉民取以占年宋景祐間頒土牛經於天下以歲之干色爲首支色爲身納音色爲腹立春日干色爲角耳尾支色爲頭納音色爲蹄明仍宋法

國朝因之

講約之儀凡朔日正官朝服率僚屬暨鄉約木鐸老人司約人等至講約所設香案禮生唱序班行三跪九叩禮畢退班齊至講所軍民人等環列肅聽禮生唱恭請開講司講生詣香案跪恭捧



聖諭登臺木鐸老人跪宣讀畢禮生唱請宣講

聖諭廣訓十六條司講生按次講畢行禮而退望日儀同  
耕藉之儀雍正四年奉 文各省府州縣於該地方擇  
東郊潔地照九卿所耕藉田四畝九分之數建先農  
壇每歲春奉部頒期致祭祭品白色帛一羊一豕一  
鉶一邊四豆四簋二盞二爵三祭日各官朝服禮生  
引贊瘞毛血詣盥洗至香案前贊迎神行二跪六叩  
禮初獻獻帛獻爵詣讀祝位跪讀祝畢復位行亞獻  
禮獻爵三獻禮如亞獻贊飲福受胙畢司祝司帛詣  
服望

闕行三跪九叩禮以耕藉日期具報

先農壇祭文惟神肇興稼穡粒我蒸民頌思文之德克  
配彼天念率育之功常陳時夏茲當東作咸服先疇  
洪惟九五之尊歲舉三推之典恭膺守土敢忘勞民  
謹奉彝章聿修祀事惟願五風十雨嘉祥恒沐於神



麻庶幾九穗雙歧上瑞頻書於大有

文廟丁祭之儀自明世宗改大成至聖文宣王爲至聖先師孔子易塑像以木主高二尺三寸七分濶四寸座高四寸今沿其舊祭品遵部頒定

至聖位前帛一白色牛一羊一豕一豝一太羹鉶二和羹  
簋二黍稷簋二稻粱籩十形鹽藁魚榛栗棗黑餅鹿脯菱芡白餅豆十韭菹芹菹筍菹醢醢兔醢菁菹鹿醢魚醢脾析豚胎白磁爵三酒罇一四配各一壇帛一白色羊一豕一鉶一簋二籩二邊八減黑餅白餅

京山縣志

卷之五

典禮

四

豆八減脾析豚胎白磁爵三酒罇一十哲東西各二壇帛一白色豕一鉶各一簋各一籩各一邊各四形鹽栗棗鹿脯豆各四菁菹鹿醢芹菹兔醢白磁爵三酒罇一兩廡東西各三壇帛一白色豕三籩各一籩各一邊各四豆各四銅爵各四酒罇一凡遇祭主祭官陪祭官及執事人等學官於前三日列姓名榜送縣用印張貼學宮俱散齋三日致齋一日先期詣

文廟階下行一跪三叩禮省牲滌器至日五鼓三嚴階設庭燎各官朝服詣 崇聖祠行二跪六叩禮三獻訖



知縣正獻

先師暨四配教諭訓導分獻東西十哲縣丞典史分獻東西兩廡武職官陪祭官俱序立大成門右考鐘伐鼓贊引導正獻官盥洗詣階下立樂生魚貫而進典儀唱樂舞生就位執事官各司其事分獻官陪祭官各就位贊引生贊就位承祭官就拜位立分獻官隨後立典儀唱闕戶迎神舉迎神樂奏咸平之章樂作贊引生贊跪叩興承祭官陪祭官分獻官俱行三跪九叩禮樂止典儀唱獻帛行初獻禮舉初獻樂奏寧平

京山縣志

卷之五

典禮

五

之章樂作有舞贊引生贊升壇導承祭官由東階上進殿左門贊引生贊詣

至聖先師位前行一跪一叩禮贊獻帛捧帛生跪進承祭官接帛拱舉獻贊獻爵執爵生跪進承祭官接爵拱舉獻畢行一跪一叩禮贊引生贊詣讀祝位立讀祝生至祝案前一跪三叩首捧祝版立於案左樂止贊跪承祭官讀祝生暨各官俱跪贊讀祝讀畢捧祝至正位前案上跪安帛匣內三叩首退樂作贊承祭官及各官行三叩禮贊詣



復聖顏子位前承祭官就案前立贊行一跪一叩禮  
贊獻帛獻爵如前儀畢行一跪一叩禮贊詣  
宗聖曾子 述聖子思子 亞聖孟子位前如前儀  
其十哲兩廡分獻官俱照前儀行禮畢贊引生贊復  
位承祭官分獻官仍詣

至聖先師位前立樂止典儀唱行亞獻禮舉亞獻樂奏安  
平之章樂作有舞贊陞壇獻爵於左如初獻儀贊復  
位承祭官分獻官各復位立樂止典儀唱行三獻禮  
舉三獻樂奏景平之章樂作有舞贊陞壇獻爵於右

如亞獻儀贊復位立樂止典儀唱飲福受胙贊詣受  
福胙位承祭官至殿內立捧酒胙生二員捧至正位  
案前拱舉至飲福胙位右旁跪接福胙生二員在左  
旁跪贊跪承祭官跪贊飲福酒承祭官受爵拱舉授  
接爵生贊受福胙承祭官受胙拱舉授接胙生畢贊  
行三叩禮贊復位立唱行謝福胙禮贊承祭官及各  
官行三跪九叩禮典儀唱徹饌舉徹饌樂奏咸平之  
章樂作徹訖樂止典儀唱送神舉送神樂奏咸平之  
章樂作贊承祭官及各官行三跪九叩禮樂止典儀



唱奉祝帛饌各詣燎位捧祝官捧帛生至各位前一  
跪三叩首捧起祝文在前帛次之捧饌生跪不叩首  
捧起在後俱送至燎位承祭官退西旁立候祝帛饌  
過仍復位立典儀唱望燎舉燎樂與送神同樂作贊  
詣望燎位導承祭官至燎位立祝帛焚訖贊禮畢樂  
止闔門退

祭文維先師德隆千聖道冠百王揭日月以常行自生  
民所未有屬文教昌明之會正禮和樂節之時辟雍  
鐘鼓咸恪薦於馨香泮水膠庠益致嚴於邊豆茲當

京山縣志

卷之五

典禮

七

春秋仲祗率彝章肅展微忱聿將祀典以復聖顏子  
宗聖曾子述聖子思子亞聖孟子配尙亨

雍正三年頒定樂器編鐘十六編磬十六琴六瑟四簫  
六笛六排簫二架壘二篪四笙六應鼓一搏拊鼓二  
祝一敔一木笏六麾幡二旌節二羽籥三十六

乾隆六年奉文飭定佾舞生三十六名樂工五十二  
名糾儀官二名禮生十名部頒佾舞生服式丁祭用  
藍衫雀頂與生員一體

迎神咸平之章無舞



大四太哉工南至尺林聖上仲道四太德上仲尊尺林崇上仲維工南持尺林  
王上仲化四太斯尺林民上仲是合黃宗四太典合黃祀四太有上仲常尺林  
精工南純尺林並四太隆上仲神合黃其工南來尺林格上仲於尺林昭上仲  
聖合黃容四太  
初獻寧平之章有舞

自四太生上仲民尺林來上仲誰四太底合黃其上仲盛四太惟工南師尺林  
神上仲明四太度合黃越上太前上仲聖四太棗上仲帛四太具上仲陳尺林  
禮合黃容四太斯尺林稱上仲黍四太稷工南非六黃馨尺林維工南神尺林  
之上仲聽四太  
典禮

京山縣志

卷之五

典禮

八

亞獻安平之章有舞

大四太哉上仲聖合黃師四太實工南天尺林生上仲德四太作上仲樂四太  
以上仲崇尺林時上仲祀四太無尺林斲上仲清六黃醑工南惟上仲馨上仲  
嘉尺林牲上仲孔合黃碩四太薦四太羞工南神六黃明尺林庶工南幾尺林  
昭上仲格四太  
三獻景平之章有舞

三獻景平之章有舞

百上仲王工南宗尺林師上仲生尺林民上仲物四太軌合黃瞻合黃之工南  
洋尺林洋上仲神上林其上仲寧四太止合黃酌四太彼合黃金尺林罍上仲  
惟工南清尺林且四太旨上仲登上仲獻四太維尺林三上仲於六黃嗜工南



成尺林禮上仲

徹饌咸平之章無舞

犧上仲象四太在上仲前尺林豆四太邊上仲在合黃列四太以四太享工南

以尺林薦上仲既上仲芬尺林既上仲潔上仲禮合黃成四太樂上仲備四太

人工南和尺林神上仲悅四太祭合黃則四太受上仲福尺林率合黃遵工南

無尺林越上仲

送神咸平之章望燎同

有四太嚴工南學尺林宮上仲四合黃方四太來上仲崇四太恪六黃恭工南

祀尺林事上仲威工南儀尺林雝上仲雝四太歆上仲茲尺林惟工南馨尺林

京山縣志

卷之五

典禮

九

神上仲馭四太還尺林復上仲明六黃禋工南斯尺林畢上仲咸工南膺尺林

百上仲福四太

舞譜初獻

自稍前向外開籥舞生蹈向裡開籥舞

民合手蹲朝上來起辭身向外高舉籥而

誰兩兩相對蹲東西相向底合手蹲朝上

其正揖盛起平身出左手立

惟兩兩相對自下上東西師稍前舞舉籥垂翟

神中班轉身東西相向立惟雨中明舉翟三合籥

班十二人轉身俱東西相向



度 稍前向外垂手舞

越 蹈向裡垂手舞

前 向前合手謙進步雙手

聖 回身再謙退步側身向外高手回面向上

桑 正蹲朝上

帛 稍舞躬身挽手側身向外呈籥耳邊面向上

具 正揖

成 起辭身挽手復舉籥正立

禮 兩兩相對交籥兩班俱東西手執籥

容 正揖

斯 向外退挽手舉籥向外

稱 回身正立

黍 稍前舞

稷 正蹲朝上

非 左右垂手兩班上下俱雙垂手東西相向

馨 起合手相向立

惟 左右側身垂手向外開籥垂手舞

神 右側身垂手相向垂手舞

京山縣志 卷之五

典禮

十

之 正揖朝上

聽 躬而受之躬身朝上拱籥而受之三鼓畢起

亞獻

大 左右進步向外垂手舞

哉 右向裡垂手舞

聖 向外落籥面向上

師 退向正身立

實 正蹲

天 起身向前轉向外舞

生 向裡舞

德 合手謙進步向前雙手合籥存謙

作 兩兩相對自下而上兩班相對舉籥東西

樂 上下俱垂手惟兩中班上下十人俱垂手轉身東西相向

以 轉身東西相向立

崇 相向立兩班上下以翟相籥

時 稍前舞蹈兩班上下俱垂手向外

祀 向裡垂手舞



無 合手謙進步向前垂手  
合籥 躅 回身再謙兩班上下東

清 稍前舞向外開籥翟  
醜 向裡舞

惟 雙手平執籥翟開籥翟  
馨 合籥翟朝上正立

嘉 側身垂左手兩班俱垂  
手向外舞 牲 躬身正揖

孔 雙手舞籥翟躬身  
碩 躬而受之躬身朝上拱  
籥受之一鼓而起

薦 一叩頭舉右手叩頭  
羞 舉左手叩頭

神 復舉右手叩頭  
明 拜一鼓畢即起躬身三  
鼓平身

庶 三舞蹈舉籥向左躬身  
幾 舉籥向右躬身舞

昭 舉籥復向左躬身舞  
格 拱籥躬身而受之

京山縣志

卷之五

典禮

十一

三獻

百 向外開籥舞  
王 向裡開籥舞

宗 側身向外面朝上  
師 朝上正堂

生 兩班上下兩兩相對交  
籥 民 合手朝上正蹲

物 側身向裏落籥  
軌 合籥朝上正立

瞻 向外開籥舞  
之 向裏開籥舞

洋 開籥朝上正立  
洋 合籥

神 向外開籥舞  
其 向裏開籥舞

寧 進步向前雙手合籥  
止 回身東西相向手謙



酌 向外開籥舞

彼 向裏開籥舞

金 開籥朝上正立

罍 合籥朝上正立

惟 向外垂手舞

清 向裏垂手舞

且 朝上正揖

旨 躬身而受之

登 躬身向左合籥舞

獻 躬身向右合籥舞

惟 躬身復向左右籥

三 合籥朝上拜一鼓便起

於 側身向外垂手舞

嘻 側身向裏垂手舞

成 朝上正揖

禮 躬身朝南受之三鼓畢

鼓聲既嚴旌節前導魚貫而進列行於階下左右相

東山縣志

卷之五

典禮

十三

向聽節生唱奏某舞則散而為揖唱舞止則聚而為成凡歌一闋則舞一成奠帛三獻共四成始終共六變起於中而散於中初變在綴之中東西立象尼山毓聖五老降庭再變而為佾數稍前進象莖仕於魯而魯治三變而東西分象歷聘列國而四方化四變稍退後象刪述六經告備於天五變而左右象講論授受傳道於賢六變而復歸於綴中東西立象廟堂尊享弟子列配俱本太學志

崇聖祠祭五壇爵鉶簠簋豆牲帛視四配配位每位





一壇帛及籩豆簠簋視十哲爵用銅牲用豕首豕肉  
各一減鉶羹從祀位東西二案祭品視兩廡銅爵三  
牲豕肉一其儀注同正殿惟不用樂

崇聖祠祭文惟王奕葉鍾祥光開聖緒聖德之後積  
久彌昌凡聲教所覃敷率循源而溯本宜肅明禋之  
典用伸守土之忱茲屆春秋仲聿修祀事醑以先賢顏  
氏先賢曾氏先賢孔氏先賢孟孫氏尙享

各宦鄉賢二祠同時分祭儀同兩廡祭品帛一羊一豕

京山縣志

卷之五

典禮

三

康熙三年奉 文建忠義孝弟祠於學宮內建節孝祠

於學宮外亦同時分祭儀視兩廡畧同祭品帛一羊  
一豕一

忠孝祠祭文惟靈賦性貞純躬行篤實忠誠奮發貫  
金石而不渝義問宣昭表鄉閭而共式祇事懋彝倫  
之大性摯莪蒿克恭念天顯之親情殷棣萼模楷咸  
推夫懿德綸恩特闡其幽光祠宇維隆歲時式祀用  
陳尊簋來格几筵

節孝祠祭文惟靈純心皎潔令德柔嘉矢志完貞全



閩中之亮節竭誠致敬彰閩內之芳型茹冰蘖而彌  
堅清操自勵奉盤匱而匪懈篤孝傳徽絲綸特沛乎  
殊恩祠宇昭垂於令典祇循歲祀式薦尊醪  
祭武廟之儀

謹按漢獻帝興平五年封漢壽亭侯蜀先主追諡壯  
繆侯宋追封公又封真君大觀以後加封王元封顯  
靈義勇武安英濟王明洪武二十九年始爲建廟稱  
漢前將軍漢壽亭侯萬曆四十二年詔封爲三界伏  
魔大帝神威遠鎮天尊內使奉袞冕天啟四年明祀

京山縣志

卷之五

典禮

古

典正神號海內遵行塑像皆以冕旒

國朝順治元年定期每年五月十三日致祭九年

勅封忠義神武關聖大帝雍正三年 追封 帝父爲成

忠公 祖爲裕昌公 曾祖爲光昭公造神牌供奉

後殿五月致祭外定於春秋二仲月上戊日致祭五  
月題准前殿祭品至十三日致祭但祭前殿不用邊  
豆用果五食亦不用祝文乾隆二十五年允避帝諱  
改諡壯繆爲神勇三十二年封靈佑二字嘉慶十三  
年加 封仁勇二字道光八年加 封威顯二字咸



豐二年加 封護國二字三年加 封保民二字  
題准升入中祀四年奉頒正殿五月額祭及春秋告  
祭祝文樂章自本年春季為始悉照中祀禮舉行樂  
用六舞用八佾以昭崇奉而答 神庥直省主祭及  
執事人員均一體辦理六年加 封精誠二字  
尊帝三代為王七年

御製

萬世人極匾額歲春秋仲月諏吉五月十三日誕辰致  
祭知縣將事教官丞史陪祭贊引執事以禮生  
正殿二祭器祭品陳設如 文廟正殿

京山縣志

卷之五

典禮

圭

五月十三日祭品

後殿不用牛餘同

帛一 白色 牛一豕一羊一果五盤

後殿祭器祭品 雍正三年追封三代公 咸豐六  
年 加封王

光昭王正中向南

裕昌王東一室南向

成忠王西一室南向

春秋二祭祭品陳設均如 文廟崇聖祠

儀制



前祭一日知縣淨廟設次日晡後陳設官率屬監視  
陳設恭奉主祭官及各襄事生姓名榜至廟中奉安

祝版於祝案正中詣

神位前上香行一跪三叩首禮掛榜廟門外次委員監

視宰牲著補服至

廟封帛畢禮生引至省牲所接毛血拱香案上省牲官

行一跪三叩首禮畢退祭日四鼓委員先祭

殿禮畢主祭官陪祭官皆朝服詣廟門外下與馬步行分

左右門入文左武右升次序坐茶二巡畢陰陽官報聲鼓

京山縣志 卷之五 典禮

六

唱鼓初再三嚴如文廟節次引贊生引主祭官詣

盥洗所濯水進巾唱樂舞生就位俟按位執事者各

執其事司尊者就尊所立助獻生分東西階唱主祭官

就位俟立陪祭官就位俟各立瘞毛血助獻生徹毛

唱迎神司樂舉迎神樂奏格季之章引贊生上香引

祭官由東階升進殿左門詣復位引主祭官自殿右

香案前立上辦香三炷唱復位門出由西階下

唱跪皆跪主祭官以下三跪九叩首贊興唱行初獻禮司

唱舉初獻樂奏翊平之章引贊生前詣盥洗所濯水

進巾贊詣酒尊所司尊者舉冪酌醴執帛者捧



帛 執爵者捧爵

引主祭官自東階上進殿左門贊詣

關聖大帝神位前

跪 左右助獻贊獻帛

右助獻舉帛篚授主祭官舉拱授左

助獻奠神贊獻爵如獻帛贊叩首興詣讀祝位跪

引主祭官詣祝案前跪讀唱陪祭官皆跪樂止贊讀

祝文原讀祝仍贊樂作贊三叩興皆同贊復位

祝者舉祝版旁跪

引主祭官自殿右門

出由西階下唱行亞獻禮司樂舉亞獻樂奏恢

平之章 引主祭官升階獻

如前儀

如前儀 樂止

行終獻禮司樂舉終獻樂奏靖平之

章 引主祭官升階

獻爵如前儀

京山縣志

卷之五 典禮 七

止 飲福受胙

引主祭官自東階上進殿左門贊詣飲福位跪助

二名捧酒胙立於左贊飲福醴爵於左跪者贊受福

又二名立於右贊受胙舉拱授三叩首興復位

胙左跪者贊三叩首興復位

下謝胙跪皆跪贊三跪九叩首贊興唱徹饌

司樂舉徹饌樂奏彝平之章助獻生舉饌出殿左右

樂止送神司樂舉送神樂奏康平之一章唱跪

官以下皆三跪九叩禮興唱讀祝者捧祝司帛

者捧帛各詣燎所讀祝者先跪取祝文司帛者次跪

於燎所之望燎樂止司樂舉望燎樂奏康平之

西



章唱詣望燎位主祭官以下皆焚祝帛復位樂

止唱禮畢

祝文

致祭於

忠義神武靈佑仁勇威顯護國保民精誠綏靖翊贊關

聖大帝曰惟神星日英靈乾坤正氣允文允武昭

聖學於千秋至大至剛顯神威於六合仰聲靈於赫

濯崇典禮於馨香茲當仲春用昭時饗惟祈

昭格克鑒精虔

京山縣志

卷之五

典禮

六

五月十三日祝文

惟

帝九宇承麻兩儀合撰崧生嶽降溯誕聖之靈辰日午天

中屆恢台之令序聰明正直壹者也千秋徵盱眙之

隆盛德大業至矣哉六幕肅馨香之薦爰循懋典式

展明禋懋芬時陳精誠

鑒格尙饗

樂章咸豐四年春月製譜春夾鐘清均倍應鐘起調

今將律譜分註樂章各字旁春用其右秋用其左











伋伋伋伍伋伋伍 伍仕伍伋仕伋伍伋伋伋  
伋伋伋伍伋伋伍 伋伋伋伍伋伋伍伋伋伍  
 焜蒿烈兮燎有輝 神光遠燭兮祥雲霏祭受福兮  
伋伋伍仕伋伋伍 伍仕伍伋仕伋伍伋伋  
伋仕伋伋伍伋伍 伍仕伍伋仕伋伍伋伋  
 茂典無違庶揚駿烈兮永奠疆畿

後殿

每歲春秋祭日知縣以丞史一員先詣行禮

殿中設一案少西北向供祝版東西各設一案分陳  
 尊三初獻以前並分陳禮神制帛三香盤三爵九俎  
 篚冪勺具設洗於後垣門內甬道東承祭官位殿檐

京山縣志

卷之五

典禮

三

下正中司祝司香司帛司爵典禮儀掌燎各以其職爲  
 位如常儀

儀制

引贊 主祭官入後殿門就拜位立 唱贊生 執事者各  
生引

司其事 主祭官就位 唱 瘞毛血 如正殿 迎神 土  
儀

香 引贊生 詣盥洗所 濯水進巾 主祭官由殿 詣  
贊 左門進

光昭王神位前立 上香 三炷 詣  
贊

裕昌王

成忠王各神位前 上香 均如前 復位 跪 二跪六叩  
儀 贊



首興唱行初獻禮贊引生前詣盥洗所濯水進

巾贊詣酒尊所司尊者舉執帛者捧帛執爵者捧爵

引主祭官自殿贊詣

各神位前均如前詣讀祝位跪前讀畢如三叩首贊興唱

復位由殿右門行亞獻禮如前亞獻禮畢贊復位唱

行終獻禮如前終獻禮畢贊復位唱飲福受胙詣

飲福位跪飲福酒受福胙三叩首興復

位謝胙跪通如前二跪六叩首興唱徹饌如前

唱送神跪贊二跪六叩首贊興唱讀祝者捧祝司

京山縣志

卷之五

典禮

三

帛者捧帛各詣燎所如正殿望燎主祭官面燎所

唱焚祝帛唱復位禮畢引贊生引主祭官出次

右儀注同文廟後殿但正位只三無配祭唱贊

生唱主陪祭官就位無分獻官及諸分獻儀節為

異故復詳如儀至各縣關廟後殿三位類多共

龕祭則統設一案承祭官於三位前總行上香三

獻香及帛爵各三舉以別之與祭崇聖祠

上香奠獻均各以五舉別之者仍從一例

祝文 咸豐六年頒 致祭於 關帝之

曾祖光昭王

祖裕昌王



父成忠王曰惟

王世澤覃庥令儀裕後靈鍾河嶽篤生神武之英誠溯淵源宜切尊崇之報班爵超躬桓而上升香肅俎豆之陳茲際仲春爰修祀事尚祈昭鑒式此苾芬誕祭以五月十三日致祭陳牛一羊一豕一果實五盤鑪鐙具不設籩豆但祭前殿亦不用祝文咸豐四年升入中祀並誕期歲設三祭頒發告祭祝文樂章祀前致齋一日不作樂不徹饌供品鹿兔果酒陳設儀制如春秋二祭

京山縣志

卷之五

典禮

三

後殿陳設儀制如春秋二祭

祝文 咸豐六年頒

惟王廸德成家累仁昌後崧生嶽降識毓聖之有基木本水源宜推恩之及遠封爵特超於五等馨香永薦於千秋際仲夏之屆時命禮官而將祀惟祈

昭格鑒此精虔

祭社稷壇之儀祀土穀之神爲社稷祭以春秋上戊將祭前期齋戒省牲視滌如儀至日贊引導承祭陪祭官衣朝衣就位行三跪九叩禮舉三獻奠帛奠爵讀



祝飲福受胙徹饌送神行禮如儀望燎焚畢揖退其  
祭品用元帛二篚羊一豕一鉶一簠二簋二籩四豆  
四  
社稷壇祭文惟神奠安九土粒食萬邦分五色以表  
封圻育三農而蕃稼穡忝承守土肅展明禋時屆仲  
秋春敬修祀典庶九九松柏鞏盤石於無疆翼翼黍苗  
佐神倉於不匱

祭風雲雷雨山川壇之儀凡府州縣各祭風雲雷雨境  
內山川爲一壇壇立二主今增祀本縣城隍凡三主

京山縣志

卷之五

典禮

三

風雲雷雨巾帛四山川左帛二城隍右帛一俱白色  
祭以春秋二仲上戊儀注祭品視社稷

風雲雷雨山川城隍祭文惟神贊襄天澤福佑蒼黎  
佐靈化以流形生成永賴乘氣機而鼓盪溫肅攸宜  
磅礴高深長保安貞之吉憑依鞏固實資捍禦之功  
幸民俗之殷盈仰神明之庇護恭修歲祀正值良辰  
敬潔豆籩祗陳牲幣

祭厲壇之儀每歲祭以清明七月望十月朔先期三日

本縣牒文城隍

牒文與祭厲  
文略同不載

至期奉其主於壇榜無



祀鬼神列壇下祭之凡祭用羊豕各三以米三石炊飯席地焚香列炬設菓蔬羹飯各數十酒亦如之正壇設城隍位供羊一豕一飯羹

厲壇祝文某官遵奉禮部劄付爲祭祀本縣闔境無祀鬼神等事欽奉

聖旨普天之下后土之上無不有人無不有鬼神人鬼之道幽明雖殊其理則一故制有治人之法卽制有事鬼之道念厥冥冥之中無祀鬼神昔爲生民未知何故而沒其間有遭兵刃而橫傷者有死於水火盜賊

者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲猛獸毒蟲所害者有爲饑餓凍死者有因戰鬪而殞身者有因危急而自縊者有因牆傾屋頽而壓死者有後世無子孫者此等孤魂或終於前代或沒於近世或兵戈擾攘流移於他鄉或人烟斷絕久闕其祭祀姓名泯沒於一時祀典無聞而不載此等孤魂死無所依精魄未散結爲陰靈或依草附木或作爲妖怪悲號於星月之下呻吟於風雨之中凡遇人間節



令心思陽世魂杳杳以無歸身墮沈淪意懸懸而望祭興言及此憐其悽慘故勅天下有司依時享祭在京都有泰厲之祭在王國有國厲之祭在各府州有郡厲之祭在各縣有邑厲之祭在一里又各有鄉厲之祭期於神依人而血食人敬神而知禮仍令本處城隍以主此祭欽奉如此今某等不敢有違謹設壇於城北以三月清明日或七月望或十月朔置備牲醴羹飯專祭本縣闔境無祀鬼神等眾靈其不昧來享此祭凡我一縣境內人民倘有忤逆不孝不忠君親者有奸

盜詐僞不畏公法者有拗曲作直欺壓良善者有逃避差役靠損貧戶者似此頑惡奸邪不良之徒神必告於城隍發露其事使遭官府輕則笞約杖斷不得號爲良民重則徒流絞斬不得生還鄉里若事未發露必遭陰譴使舉家並染瘟疫六畜田蠶不利如有孝順父母和睦親族畏懼官府遵守禮法不作非爲善良正直之人神必達之城隍陰加護佑使其家道安和農事順序父母妻子保守鄉里我等闔縣官吏人等如有上欺朝廷下枉良善貪財作弊蠹政害



民者靈必無私一體昭報如此則鬼神有鑒察之明  
官府非詔諛之祭尙饗

雩祭之儀雩者吁嗟其聲以求雨之祭乾隆七年奉

文每歲初夏在先農壇行禮儀注祭品視社稷

雩祭文恭膺詔命撫育羣黎仰體彤庭保赤之誠勤  
農勸稼俯惟蒔屋資生之本力穡服田令甲爰頒肅

舉祈年之典惟寅將事用申守土之忱黍稷惟馨尙  
冀明昭之受賜來牟率育庶俾豐裕於蓋藏

文昌帝君春秋二祭祝文維神道闡苞符性敦孝友

京山縣志

卷之五

典禮

七

並行並育德侔天地以同流乃聖乃神教炳日星而  
大顯仰鑒觀之有赫示明德之惟馨茲當仲春用昭

時享惟祈歆格克鑒精虔

文昌帝君廟二月初三日告祭祝文

維

神功參橐籥撰合乾坤溯誕降之靈辰三台紀瑞度中  
和之令節九宇承暉若日月之有光明闡大文於孝  
友如天地無不覆載感至治于馨香爰舉上儀敬陳  
芳薦精禋罔斁



神鑒式臨尙饗

祭文昌帝君廟之儀一切禮節祭品並同武廟樂章  
迎神丕平之章

秉氣兮靈躔翊文運兮赫中天蜺旌兮戾止雕俎兮  
告虔迓神庥兮於萬斯年

初獻俶平之章

神之來兮邊豆式陳

神之格兮几筵式親極昭彰兮靈貺致蠲潔兮明禋  
升香兮伊始居歆兮佑我人民

京山縣志

卷之五

典禮

三

亞獻煥平之章

再酌兮瑤觴燦爛兮庭燎之光申虔禱兮神座儼降  
兮帝旁粢醴潔兮齋馫將綏景運兮靈長

終獻煜平之章

禮儀三獻兮樂奏三終單敷元化兮繫神功馨香達  
兮肸鬻通歆明德兮昭察寅衷

徹饌懿平之章

備物兮惟時告徹兮終禮儀神悅懌兮鑒在茲垂鴻  
佑兮累洽重熙



送神蔚平之章

雲駢駕兮風旂招神之歸兮天路迺瞻翠葆兮企丹  
霄願廻靈眷兮福我朝

望燎蔚平之章

烟熅降兮元氣和神光燭兮梓潼之阿化成耆定兮  
橐弓戢戈文治光兮受福則那

鄉飲酒之儀歲正月望十月朔於明倫堂行禮印官爲  
主耆年致仕官爲大賓擇齒德俱優者爲僎賓爲介  
賓爲三賓其餘眾賓無數以教官爲司正以老成生

京山縣志

卷之五

典禮

五

員贊禮讀律先期設賓席於堂北稍西南面主席於  
阼階上西面介席於西階上東面僎賓席於賓東三  
賓席於賓西俱南面眾賓六十以上者席於西序僚  
佐序於東序眾賓五十以下者位堂下西階之西當  
序俱北上司正及讀律者位堂下阼階南北面西上  
主之贊者位阼階東西面北上設主及僚佐次於東  
廊賓介及眾賓次於庠門之外僎次亦在門外設酒  
樽於堂上東南隅加勺罍用葛巾爵洗於阼階下東  
南篚一於洗西實以爵觶盥洗在爵洗東設棹案於



堂上下各席位前陳豆於上六十者三豆七十者四  
八十者五九十者六堂下者二主人豆數如賓實以  
菹醢至期主人率僚屬司正先至乃使速賓賓至主  
人率僚屬出迎於門外主西面賓以下皆東面三揖  
三讓而後升堂相向再拜就坐贊禮唱司正揚觶司  
正詣盥洗位盥洗訖詣爵洗位取觶洗訖升自西階  
詣樽所酌酒進兩楹之間北面在坐者咸立司正揖  
賓僕以下俱揖司正舉觶言曰恭惟朝廷率由舊章  
敦崇禮教舉行鄉飲非爲飲食凡我長幼各相勸勉

爲臣竭忠爲子盡孝長幼有序兄友弟恭內睦宗族  
外和鄉里無或廢墜以忝所生讀訖贊禮唱司正飲  
酒飲畢交揖如初司正復位皆坐贊禮唱讀律令執  
事舉律令案於堂中賓主皆拱立讀者詣案前北面  
讀曰鄉飲酒禮序長幼論賢良別姦頑異罪人其坐  
席間年高有德者居上高年溇篤者並之以次序齒  
而列其有曾違條犯法之人不許干與良善之席主  
者若不分別致使貴賤混淆察知或發覺以違制論  
姦頑紊亂正席者全家移出化外讀畢交揖復位贊



禮唱供饌執事者舉饌案至賓位前以次舉訖復唱  
獻賓主降詣盥詣篚洗爵酌酒至賓前稍卻乃兩拜  
賓答拜又詣饌前亦如之主人就坐贊禮唱賓酬酒  
賓起僕從之降階洗爵酌獻如前儀皆坐執事者於  
介以下及眾賓以次酌酒訖贊禮唱飲酒工人升歌  
鼓瑟歌鹿鳴飲酒供湯歌四牡及皇皇者華俱飲酒  
供湯笙奏南陔白華華黍歌魚麗奏由庚歌嘉魚奏  
崇邱歌南山奏由儀於是合樂奏關雎合鵲巢奏葛  
覃合采繁奏卷耳合采蘋飲訖徹饌在坐者興主僚  
屬居東賓僕以下者居西皆再拜贊禮唱送賓以次  
下堂分東西行仍三揖出庠門而退

京山縣志

卷之五

典禮

三

賓興之儀制科定子午卯酉年檢諸生在錄者印官擇  
七月吉日延赴鹿鳴預宴設綵橋桂殿酒三行花紅  
鼓吹引導親送之城外優給資斧其捷者布政司樹  
旂匾旌其廬辰戌丑未年舉人計偕於藩庫領銀給  
咨餞送如儀其新進生員上學印官擇吉傳集公堂  
簪花飲酒訖朝服親引諸生詣

至聖前行三跪九叩禮畢至明倫堂與兩學交拜然後諸



生謁師執弟子禮

祈禱之儀歲有潦旱蝗疫印官誠心祈禱先期齋戒設壇屆辰素服步行或捧香撤蓋或免冠躡蹻赴壇所行禮讀祝僧道各一班開壇誦經早晚二次詣叩禁屠酤停刑杖旱以雨日止雨以霽日止蝗疫以漸蘇日止徹壇酬神開禁

救護之儀凡日食欽天監推算時刻杪忽通行天下各於所在行禮至期設香案縣堂露臺上設金鼓儀門內樂人列露臺下設各官拜位於其上上位俱向日陰

京山縣志

卷之五

典禮

三

陽生報日初食各官朝服行禮作樂畢執事者捧鼓至正官前擊鼓者三眾鼓齊鳴食如分各官再叩首至報復各官行禮而退

月食注儀同